

## সাইক্লোনে বিধ্বস্ত বাংলাদেশে যুক্তরাষ্ট্র জাহাজ, ত্রাণ সামগ্রী পাঠাচ্ছে

ফিলিপ কুরাটা  
ইউএসইনফো স্টাফ রাইটার

ওয়াশিংটন, ২০শে নভেম্বর -- বাংলাদেশের দক্ষিণ উপকূলে তীব্র আঘাত হানা সাইক্লোন সিডেরে ক্ষতিগ্রস্তদের সাহায্যার্থে যুক্তরাষ্ট্র দেশটিতে নৌবাহিনীর দু'টি জাহাজ পাঠাচ্ছে এবং জরুরি ত্রাণ সহায়তা হিসেবে ২১ লক্ষ ডলার দিচ্ছে।

প্রেসিডেন্ট বুশ ও ফাস্ট লেডি লরা বুশ এবং পররাষ্ট্র সচিব কন্ডোলিংসা রাইস হতাহতদের প্রতি শোক ও ক্ষতিগ্রস্তদের প্রতি সমবেদনা প্রকাশ করেছেন। নৌ-জাহাজ 'ইউএসএস এসেক্স' এবং 'ইউএসএস কিয়ারসার্জ' বাংলাদেশের উপকূল অভিমুখে রওনা হয়েছে। দু'টি জাহাজেই ত্রাণ ও উদ্ধার তৎপরতা চালানোর জন্য ২০টি করে হেলিকপ্টার রয়েছে। আগামী ২৪শে নভেম্বরের মধ্যে জাহাজ দু'টিই বাংলাদেশ উপকূলে পৌঁছে কথা রয়েছে।

সাইক্লোন সিডের ঘণ্টায় ২৪০ কি.মি. বেগে বয়ে যায় এবং ৬ মিটার পর্যন্ত উচ্চতায় জলোচ্ছাস সৃষ্টি করে। এতে হাজার হাজার লোকের প্রাণহানি ঘটে এবং এর চেয়ে বেশি লোকের জীবনে ধ্বংস নেমে আসে। বলা হয় যে ১৯৯১ সালের পর বাংলাদেশে এর চেয়ে ভয়াবহ ঝড় আর আঘাত হানেনি।

কন্ডোলিংসা রাইস এক বিবৃতিতে বলেন, যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) পানি ও স্যানিটেশন কর্মসূচিতে অর্থায়ন করছে এবং অস্থায়ী আশ্রয়ের জন্য ত্রাণ সামগ্রী প্রদান করছে। আন্তর্জাতিক রেড ক্রস এবং রেড ক্রিসেন্ট সোসাইটিকেও যুক্তরাষ্ট্র ত্রাণ সরবরাহের জন্য অর্থ প্রদান করছে। (পূর্ণ ভাষ্যের জন্য দেখুন (

<http://usinfo.state.gov/xarchives/display.html?p=texttrans-english&y=2007&m=November&x=20071119113350xjsnommis0.8903467> )।)

ইউএসএআইডি-এর মতে, যুক্তরাষ্ট্র সরকারের সহায়তায় বাংলাদেশ সরকার দুর্যোগ প্রস্তুতি ও প্রশমন কর্মসূচি গ্রহণ না করলে সাইক্লোন সিডের ধ্বংসলীলা আরো বেশি তীব্র ও মারাত্মক হতে

পারত। বন্যার ক্ষয়ক্ষতি হ্রাস করতে যুক্তরাষ্ট্র উন্নয়ন সংস্থা বন্যা ও সাইক্লোন আশয়কেন্দ্র, তরঙ্গ-সুরক্ষা দেয়াল এবং মাটির বাঁধ তৈরি ও রক্ষণাবেক্ষণে অর্থ সাহায্য প্রদান করছে।

সাইক্লোন সিডর আধাত হানার পুর্বেই ইউএসএআইডি জরুরি অপারেশনের জন্য নোকা, পানি বিশোধন ব্যবস্থা এবং জল অ্যাম্বুলেন্স প্রস্তুত রেখেছিল। ‘কেয়ার’ ও ‘সেভ দ্য চিলডেন্স’র সহযোগিতায় ইউএসএআইডি বড়ের পর বিতরণের জন্য ৩০,০০০ জরুরি জীবনোপকরণ প্যাকেট এবং খাদ্য মজুদ করে রাখতে সাহায্য করেছে।

ইউএসএআইডি-এর পাঁচ সদস্য বিশিষ্ট একটি বিশেষজ্ঞ দল সাইক্লোনের ক্ষয়ক্ষতির মাত্রা নিরূপণ করছে এবং ত্রাণ ও পুনরুদ্ধার পরিকল্পনা করছে।

সাইক্লোন সিডর সম্পর্কে হোয়াইট হাউজের পূর্ণ ভাষ্য ইউএসইনফো-তে পাওয়া যাবে এই ঠিকানায় ( <http://usinfo.state.gov/xarchives/display.html?p=texttrans-english&y=2007&m=November&x=20071119112508xjsnommis0.7737085> )।

=====

\* (ইউএসইনফো যুক্তরাষ্ট্র পররাষ্ট্র দফতরের ব্যরো অব ইন্টারন্যাশনাল ইনফরমেশন প্রোগ্রাম্স-এর একটি প্রকাশনা। ওয়েবসাইট: <http://usinfo.state.gov>)

জিআর/ ২০০৭

**দ্রষ্টব্য:** এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) ) যোগাযোগ করুন।